

# UTUMIKI WATHU WA UMAMBO

## NTHANDA YA MALUWA YA 2012

### SUMANA 9 YA MALUWA

Nyimbo 78 na Phembero

#### ❑ Pfundziro Ya Bhibhlyya Ya Mpingo:

bt-T nsolo 23 ¶9-15, mabokosi pa matsa. 184, 186 (mph. 25)

#### ❑ Xikola Ya Utumiki Wa Mulungu:

**Kuleri Bhibhlyya:** Ezekyele 11-14 (mph. 10)

**N.º 1:** Ezekyele 11:14-25 (mph. 4 peno zakucepa)

**N.º 2: Lemba Ya Jwau 6:53-57 Isabvekanji?**  
—rs-T tsa. 240 ¶3-4 (mph. 5)

**N.º 3: Ninji Kupfulika, Na Kunatiphedza Tani Toera Kukhala Mwadidi?**—Sof. 2:3 (mph. 5)

#### ❑ Nsonkhano Wa Basa:

Nyimbo 96

**Mph. 5: Pidziwiso.**

**Mph. 15: Citani Maulendo Akubwerezza Aku-phindulisa.** Nkhanzi yakucedza mu kuphatisira mbvundzo inatowerera: (1) thangwi yanji tisafunika kukhazikisa cifuno ndzidzi onseni unacita ife ulelendo wakubwerezza? (2) Tisafunika kuphatisira ndzidzi ungasi pa maulendo akubwerezza akutoma? (3) Tisafunika kulonganji pakucita ulendo wakubwerezza? (4) Tisafunika kulonganji khala munthu alonga kuti nkhabe funa? (5) Pakucita ulendo wakubwerezza kwa munthu wakuti atawira katsamba, bruxura peno marevista, ndi ndzidzi upi usafunika ife kupangiza buku *Biblya Isapfunzisanji*, na tina-pangiza tani? (6) Tinakwanisa tani kukulisa cifuno ca munthu khala pisanentsa kungumana pontho panyumba? (7) Tinapfundzisa tani amwazi mphangwa apswa mu ndzidzi unacita ife maulendo akubwerezza?

**Mph. 15: "Mathangwi Anu Ndi Api 'Toera Kusekera'?"** Mibvundzo na matawiro. Pakudinga ndima 4, wangisani onseni toera kupereka malipoti awo a basa ya m'munda mu nthanda zonsene. Dingani ntsonga zakufunika zinagumanika m'bukhu *Organizados* matsamba 88-90.

Nyimbo 9 na Phembero

### Mathangwi Anu Ndi Api 'Toera Kusekera'?

<sup>1</sup> Pakumala kwa nthanda ibodzi na ibodzi, anthu onseni angaphembwa toera kupereka malipoti awo

1. Ndi mathangwi api ali na ife toera kusekera pakumala kwa nthanda zonsene?

a basa ya m'munda, mathangwi *anu* ndi api 'toera kusekera'? (Agal. 6:4, *Tradução do Novo Mundo*) Khala ndife apainiya akupambulika akuti asaperekha midzidzi yakukwana 130 peno ndife amwazi mphangwa adatawiriswa kupereka mphindi 15, tonsene tisafunika kusekera thangwi tatumikira Yahova na ntima onsene.—Sal. 100:2.

<sup>2</sup> Ninga Mbuya Ntongi wakudzulu na pantsi, Yahova athema kupaswa pyonsene pinakwanisa ife. (Mal. 1:6) Na thangwi yakufuna kwathu Yahova, tarekera umaso wathu toera kucita cifuno cace. Natenepe, pakumala kwa ntsiku peno nthanda, khala tiri na cinyindiro cakuti taperekwa "misapo yakutoma" ya ndzidzi wathu, maluso, na mphambvu za-thu m'basa ya Yahova, mwandimomwene tiri na mathangwi toera kusekera. (Mis. 3:9) Mbwenye khala cikumbuntima cathu cikutipanga kuti tina-kwanisa kucita pizinji, mphayadidi kudinga ninji pi-safunika ife kucita toera kuthimizira basa yathu.—Arom. 2:15.

<sup>3</sup> **"Tayu Mwakulandanisa Na Munthu Una-nego":** Nee ndi kwakuthema kulandanisa pinacita ife na pinacita anango peno kulandanisa pinacita ife lero na pikhacita ife m'midzidzi ikhakhala ife na mphambvu kakamwe. Makhaliro asacinja. Maluso asasiyana. Kulandanisa kazinji kene kusatsogole-ra kucita mapika peno kuhala na mabvero akuti nee ndife akuthema. (Agal. 5:26; 6:4) Yezu nee alandanisa pikhacita anthu. Mbuto mwace, iye asimba anthu mwakubverana na pikhakwanisa munthu kucita.—Mko. 14:6-9.

<sup>4</sup> Mu nsangani wa Yezu unalonga pya matale nto, nyabasa m'bodzi na m'bodzi atambira matale nto "ninga mukhakwanisira munthu." (Mat. 25: 15) Pidabwerera mbuya mbaphemba lipoti ya mabasa awo, ale adaphata basa mwakuwanga mwaku-bverana na maluso awo pabodzi na makhaliro awo asimbwa kakamwe mbapita mu kutsandzaya kwa mbuya wawo. (Mat. 25:21, 23) Munapitiriza ife ku-cita pizinji m'basa yakumwaza mphangwa za Umma-bo, tinakwanisa kukhala na cinyindiro ca kutari-rrwa na Mulungu mbitikhala na mathangwi toera kusekera!

2. Thangwi yanji tisafunika kuwangisira mu kutumikira kwathu Yahova?
3. Thangwi yanji ndi kwakukhonda thema kulandanisa tekhene na anthu anango?
4. Ndi ntsonga zipi zakufunika kakamwe zinapfunda ife mu nsangani wa Yezu unalonga pya matale nto?

## SUMANA 16 YA MALUWA

Nyimbo 101 na Phembero

### ❑ Pfundziro Ya Bhibhlya Ya Mpingo:

bt-T nsolo 23 ¶16-19, bokosi pa tsa. 188 (mph. 25)

### ❑ Xikola Ya Utumiki Wa Mulungu:

**Kuleri Bhibhlya:** Ezekyele 15-17 (mph. 10)

**N.º 1:** Ezekyele 16:14-27 (mph. 4 peno zakucepa)

**N.º 2:** Ndi Undimomwene Upi Udalonga Yezu Pa Jwau 18:37? (mph. 5)

**N.º 3:** Yezu Akhazikisa Phwando Ya Misa?—rs-T tsa. 241 ¶1–tsa. 242 ¶5 (mph. 5)

### ❑ Nsonkhano Wa Basa:

Nyimbo 119

**Mph. 5:** Pidziwiso.

**Mph. 15:** Phatisirani Xikola Ya Utumiki Wa Mulungu Toera Kuthambaruka Ninga Ntumiki. Nkhani yakucitwa na muyang'aniri wa Xikola ya Utumiki wa Mulungu, yakubuluswa m'bukhu *Escola do Ministério*, tsamba 6 ndima 1, mpaka kunkhomo kwa tsamba 8. Phembani m'mwazi mphangwa m'bodzi peno awiri toera kulonga kuti xikola ineyi yaaphedza tani mu utumiki.

**Mph. 20:** “Phedzani Anthu Toera Kubvera Mulungu.” Mibvundzo na matawiyo. Pakudinga ndima 5, pangizani citsandzo cakuti bruxura ibodzi inagawirwa tani. Pakumala kudinga ndima 6, pangizani citsandzo ca mphindri zitatu cinapangiza m'mwazi mphangwa mbakacitisa pfundziro ya Bhibhlya mu kuphatisira cithundzithundzi cakutoma pa tsamba 4 m'bruxura *Bverani Mulungu*.

Nyimbo 120 na Phembero

## Phedzani Anthu Toera Kubvera Mulungu

<sup>1</sup> Pa Nsonkhano wa Gavo wakuti “Umambo Wa Mulungu Mbudze!”, kwabuluswa mabrxura mawi-ri, *Bverani Mulungu toera Mukhale Kwenda na Kwenda* na bruxura yakusowa mafala mazinji yakuti, *Bverani Mulungu*. Nakuti mabrxura anewa nee ali na mafala mazinji, iwo anakwaniswa kuthumburuzwa mwakucimbiza na mwakuhonda nentsa. Mwandimomwene, bruxura *Bverani Mulungu toera Mukhale Kwenda na Kwenda* pidamala iyo kubuluswa n'Cingerezi, yatawi-

1. Ndi mabrxura api adabuluswa pa Nsonkhano wa Gavo “Umambo wa Mulungu Mbudze!”, poncho niji cinacitisa maferamentu anewa kukhala akuphindulisa kakamwe?

riswa toera kuthumburuzwa mu pilongero pyakukwa-na 431.

2 Makamaka mbani anafuna kudzaphindula na mabrxura anewa? Tendeni tidinge pinacitika kazinji kene kuzungulira dziko yonsene yapantsi:


- M'mwazi mphangwa asacedza na mwanaciro nyumba, ngakhale pa ulendo wakutoma peno pa ulendo wakubwerezza, asadzindikira kuti mwanaciro nyumba nkhabe kwanisa kuleri peno nee asaleri mwadidi.
- M'mwazi mphangwa akumwaza mphangwa kwa anthu analonga cilongero cakuti tiri na mabukhu akucepa adathumburuzwa peno nkhabe bukhu idathumburuzwa. Peno anthu azinji mu cisa nkhabe kwanisa kuleri mu cilongero cinalonga iwo mwakusudzuka.
- M'mwazi mphangwa asaphatisira cilongero cakulonga na manja toera kumwaza mphangwa mu cisa cace kwa anthu akuti nkhabe kubva.
- Nyakubala asafuna kupfundzisa undimomwene mwanace wang'ono wakuti adzati kwanisa kuleri.

<sup>3</sup> **Mabrxura Anewa Akhala Tani:** Bruxura *Bverani Mulungu* iri na mafala akucepa—kazinji kene rnezra ubodzi wa mafala pabodzi na Lemba pantsi pa tsamba ibodzi na ibodzi yakuti isafo kotoza ntso-nga zikulu. Thangwi yanji? Nyerezerani kuti munthu akupasani bruxura yakuti yalembwa mu cilongero cinakhonda imwe dziwa kuleri, panango yalembwa na maletra akuti imwe nkhabe kuadziwa. Mbidakhala yakutsandaya kwa imwe, ngakhale kuti panango iri na pithundzithundzi pyakubalika kakamwe? Panango nkhabe. Mu njira ibodzi

ene, anthu akuti nkhabe kwanisa kuleri kazinji kene asadzudzumika na mabukhu akuti ali na mafala mazinji. Na thangwi ineyi, pithundzithundzi pya pa tsamba ibodzi na ibodzi pyakhunganywa mu njira yadidi kakamwe, na cifuno cakutsogolera makani pa kufoko-toza cithundzithundzi cibodzi na cibodzi.

2. Mbani anafuna kudzaphindula na mabrxura anewa?

3. Kodi bruxura *Bverani Mulungu* yakhala tani?



Bverani Mulungu

<sup>4</sup> Bruxura *Bverani Mulungu* toera *Mukhale Kwenda na Kwenda* iri na pithundzithundzi pibodzi pyene na bruxura *Bverani Mulungu*. Yacitwa toera kupfundza na anthu akuti luso yawo yakuleri ndi yakucepa pero akupfundza kuleri. Bruxura ineyi inakwani-

m'makani anu, pontho toera kuonesesa kuti akubvesa. Khala iye akuphatisira bruxura *Bverani Mulungu* toera *Mukhale Kwenda na Kwenda*, lerini pabodzi mafala na malemba pakudinga cithundzithundzi cibodzi na cibodzi.

<sup>5</sup> **Phedzani Nyakupfundza Toera Kuenda Kutsogolo:** Tisadikhira kuti makani anu anadzacitisa nyakupfundza Bhibhlya kukhala na cifuno cakufuna kufundza kuleri toera mwa iye ekha akwanise kudziwa Yahova. (Mat. 5:3; Jwau 17:3) Mbwenye khala mukuphatisira bruxura *Bverani Mulungu*, mu kupita kwa ndzidzi panango munakwanisa kuperekeka toera kumpfundiza kuti anakwanisa tani kuleri, buluka penepo munakwanisa kucinja pfundziro toera kuphatisira bruxura *Bverani Mulungu* toera *Mukhale Kwenda na Kwenda*. Mwakukhonda tsalakana bruxura inaphatisira imwe, nyakupfundza Bhibhlya nee anadzakhala wakuthema toera kubatizwa pakumala kufundza naye bruxura ineyi. Musafunika kucinja pfundziro toera kufundza buku *Bibly Isapfunzisanji* pero buku inango yakuthema yakuti inadzamphedza kubvesesa mwadidi Bhibhyla.


<sup>6</sup> Anthu asafunika abvesere Ntongi Wankulu wakudzulu na pantsi khala asafuna kukhala maso kwenda na kwenda. (Iza. 55:3) Cifuno ca Yahova ndi cakuti "anthu onsen," kuphatanizambo ale akuti nkhabe kwanisa kuleri, apfundze kuti anabvera tani Mulungu. (1 Tim. 2:3, 4) Tisaperekira takhuta kakamwe thangwi ya maferamentu anewa mapswa akuti tinakwanisa kaphatisira toera kufundzisa anthu kuti anabvera tani Mulungu!

7. Tinaphedza tani nyakupfundza Bhibhlya toera kuenda kutsogolo?

8. Thangwi yanji musaperekira takhuta kakamwe thangwi ya maferamentu anewa mapswa toera kuaphatisira mu utumiki?

## Anagawirwa Tani

Pangizani mwanaciro nyumba matsamba 2-3, bula penepo longani: "Musafuna kukhala mu dziko ninga inapangizwa apa? [Dikhirani ntawiro.] Malemba asapikira [pero, buku iyi yakucena isapikira] kuti mwakukhonda dembuka Mulungu anadzacitisa dziko yapantsi kukhala mbuto yaku-balika, yantendere yakuti nee munthu m'bodzi anadzakhala wakutcerenga pero wakubva kupa. Onani kuti tisafunika kucitanji toera kukhala mu dziko ineyi. [Lerini Izaiya 55:3, yakuti isagumanika padzulu pa tsamba 3.] Lemba ineyi isatiphemba toera 'kwenda' kuna Mulungu na 'kubvesera' iye. Mphapo tinabvesera tani Mulungu?" Fungulani tsamba 4-5, na dingani ntawiro pabodzi na iye. Khala mwanaciro nyumba nee ali na ndzidzi, nsiyireni bruxura, na citani masasanyiro akubwerera toera kudinga ntawiro.



matsamba mazinji pasagumanika bokosi yakuti iri na mafala na ntsonga zakuthimizirika na Malemba a Bhibhlya akuti anakwanisa kudingwa, mwakubverana na luso ya nyakupfundza.

**5 Tinaaphatisira Tani:** Munakwanisa kugawira mabrxura anewa mu utumiki wa nyumba na nyumba mungaona kuti ndi kwakuphindulisa kucita pyene-pi ngakhale kuti nee tikugawira mabrxura anewa mu nthanda ineyi. (Onani bokosi "Anagawirwa Tani.") Munakwanisa kupangiza bruxura pakucita ulendo wakubwerezwa mu kupanga munthu adapangiza cifuno kuti muli na cinthu cinafunia imwe kumpangiza, buluka penepo ntambizeni bruxura.

<sup>6</sup> Nakuti bruxura *Bverani Mulungu* nee iri na mibvundzo, kudinga bruxura ineyi nee kunadzakhala kwa mibvundzo na matawiro ninga pinacita imwe pakucitisa pfundziro m'bukhu *Bibly Isapfunzisanji*. Anthu a makhaliro akusiyana-siyana asakomerwa kubva mbiri ya pyakucitika. Natenepta phatisiranu pithundzithundzi toera kulonga mbiri ya pyakucitika pyakupumirwa pidalembwa m'Bhibhlya. Fokotozani kuti ninji pinapangizwa mu pithundzithundzi. Khalani wakugalamuka. Phembani nyakupfundza Bhibhlya toera akupangeni pinaona iye na pinanyerezera iye. Lerini malemba anagumanika pantsi pa tsamba, nyerezera ni mwacidiukhodikho na iye thangwi ya pinalonga malemba anewa. Citani mibvundzo toera iye acite khundu

4. Kodi bruxura *Bverani Mulungu* toera *Mukhale Kwenda na Kwenda* yakhala tani?

5. Ndi mu ndzidzi upi, pontho tinagawira tani mabrxura anewa?

6. Tinadzacitisa tani pfundziro ya Bhibhlya mu kaphatisira mabrxura anewa?

## SUMANA 23 YA MALUWA

Nyimbo 43 na Phembero

### ❑ Pfundziro Ya Bhibhlyya Ya Mpingo:

bt-T nsolo 24 ¶1-9, bokosi pa tsa. 193 (mph. 25)

### ❑ Xikola Ya Utumiki Wa Mulungu:

**Kuleri Bhibhlyya:** Ezekyele 18-20 (mph. 10)

**N.° 1:** Ezekyele 19:1-14 (mph. 4 peno zaku-cepa)

**N.° 2: N'khaliro Wa Nkristu Thangwi Ya Utongi Wa Dziko—rs-T tsa. 261 ¶1-3 (mph. 5)**

**N.° 3: Lemba Ya Mateo 21:43 Isabveka-nji?** (mph. 5)

### ❑ Nsonkhano Wa Basa:

Nyimbo 10

**Mph. 5:** Pidziwiso.

**Mph. 10: Phatisirani Mwaluso Pithundzi-thundzi Pakupfundzisa.** Nkhani yakubulusa m'bukhu *Escola do Ministério*, tsamba 247 mpaka tsamba 249, ndima 2. Pangizani mwa-cigwaga citsandzo ca ntsonga ibodzi peno ziwiri za mphangwa zenezi.

**Mph. 20: Yahova Ndi Nyakubvesera Phembero.** (*Sal. 66:19*) Nkhani yakucedza yaku-bulusu mu *Anuário de 2012*, tsamba 59, ndima 1-4; tsamba 183, ndima 3; tsamba 186, ndima 4; na tsamba 198, ndima 1, mpaka tsamba 199, ndima 1. Phembani anyakubvesera toera kulonga pidapfundza iwo.

Nyimbo 56 na Phembero

## SUMANA 30 YA MALUWA

Nyimbo 131 na Phembero

### ❑ Pfundziro Ya Bhibhlyya Ya Mpingo:

bt-T nsolo 24 ¶10-15 (mph. 25)

### ❑ Xikola Ya Utumiki Wa Mulungu:

**Kuleri Bhibhlyya:** Ezekyele 21-23 (mph. 10)

**N.° 1:** Ezekyele 23:35-45 (mph. 4 peno zaku-cepa)

**N.° 2: Ufuni Wa Mulungu Ndi Ukulu Tani? —Jwau 3:16; Arom. 8:38, 39 (mph. 5)**

**N.° 3: Malemba Akuti Asacitisa Nkristu Ku-khonda Kumenya Nkhondo—rs-T tsa. 262 ¶1-4 (mph. 5)**

### ❑ Nsonkhano Wa Basa:

Nyimbo 3

**Mph. 10: Pidziwiso.** Phatisirani njira za mape-rekero aumboni pa tsamba 8 toera kupangiza kuti tinaphatisira tani marevista toera kutomesa pfundziro ya Bhibhlyya pa Sabudu yakutoma ya nthanda ya Malimwe.

**Mph. 25: "Mbamudzati Kumwaza Mphangwa Panango Musafunika Mutome Kusaka."** Mibvundzo na matawiyo. Nkhani yaku-citwa na muyang'aniri wa basa ya m'munda. Gomezerani kuti mphangwa zenezi zinaphati-sirwa tani pa cisa canu. Khala mpingo usa-phedzera nsoka wa cilongero cakunja, peno usafunika kusaka anthu analonga cilongero ca mpingo, pakudinga ndima 5 pangizani kuti ni-nji pisafunika kulongwa pakucita basa yakusaka.

Nyimbo 92 na Phembero

## Mbamudzati Kumwaza Mphangwa Panango Musafunika Mutome Kusaka

<sup>1</sup> Pa Pentekoste ya 33 N.W., pidamala iwo kutambira nzimu wakucena, anyakupfundza a Yesu 'atoma kulonga pilongero pyakusiyana-siyana' kwa ale akhadagumanyikana akuti akhadabuluka ku madziko akutali. (*Mach. 2:4, Mphangwa Zadidi*) Ninga maphindu, anthu akukwana 3.000 abatizwa. Pyaku-tsandzayisa ndi pyakuti, azinji mwa alendo akhalongambo cilongero cakuti cikhadziwika na onsene, panango Cihebere peno Cigerego. Mbwenye Yahova asankhula kuti mphangwa za Umambo zimwazwe kwa iwo mu cilongero cawo cacibaliro. Mwakukho-

1. Thangwi yanji pisa pya mpingo unalongwa pilongero pizinji pisakhazikisa mwakubverana na cilongero?

nda penula, thangwi idacitisa pyenepi ndi yakuti ka-zinji kene anthu asatawira mphangwa zadidi mwakucimbiza angazibva mu cilongero cawo cacibaliro. Natenepa, lero mu pisa pyakuti musalongwa pilongero pizinji, cisa ca mpingo ubodzi na ubodzi cisa-khazikisa mwakubverana na cilongero cibodzi na cibodzi. (*Organizados*, tsa. 107, ndima 2-3) Misoka ya cilongero cakunja nee isapaswa cisa, mbwenye isamwaza mphangwa kwa ale analonga cilongero ce-nezi mu cisa ca mpingo unatsalakana nsoka unoyu na pisa pya mipingi inango ya cifupi.

2. Khala musagumanika mu cisa cakuti anthu

2. (a) Kodi basa yakusaka ndi ninji, mphapo ndi kupi kusafunika kucitwa basa ineyi? (b) Mipingi ina-kwanisa tani kuphedzana unango na ndzace toera kuphata basa mu cisa cinalongwa pilongero pizinji? (c) Tisafunika kucitanji tingagumana munthu anapngiza cifuno wakuti asalonga cilongero cinango?

onsene asalonga cilongero cibodzi cene, basi ene munakwanisa kumwaza mphangwa nyumba na nyumba. Mbwenye makhaliro anu anasiyana khala musagumanika mu cisa cinalongwa pilongero pizinji. Mipingo ya pilongero pinango panango isamwaza mphangwa mu pisa pyenepi. Ngakhale kuti mpingo ineyi inakwanisa kukupasani mphangwa za anthu analonga cilongero ca mpingo wanu, basa izinji toera kusaka anthu akuti munakwanisa kuamwazira mphangwa ndi ya mpingo wanu peno nsoka wanu. (Onani bokosi "Phedzanani Unango Na Ndzace.") Na thangwi ineyi, musafunika kucita khundu mwakukwana m'basa yakusaka, panango musafunika kubvundzisa toera kugumana anthu analonga cilongero cinasaka imwe. Basa yakusaka isafunika kucitwa tani?

<sup>3</sup> **Kutsalakana Basa Yakusaka:** Kunjipa kwa ndzidzi unaphatisira imwe toera kucita basa yakusaka mu pisa pinalongwa pilongero pizinji kusanyindira makhaliro apacisa. Mwacitsando, ndi anthu angasi mu cisa asalonga cilongero ceneci? Ndi amwazi a mphangwa angasi anagumanika mu cisa ceneci? Kodi mpingo peno nsoka usadziwa mbuto zingasi zinagumanika anthu analonga cilongero ceneci? Mpingo nee usaphembwa toera kucita basa yakusaka mu cisa consene mu njira ibodzi ene, mbwenye unakwanisa kusankhula mbuto zakuti ziri na anthu azinji mu cisa ca mpingo na m'mbuto zinango zakuti nee ziri kutali kakamwe. Mbwenye, kuhala na masasanyiro adidi toera kucita basa yakusaka ndi kwakufunika. Natenepa, anthu azinji anakwaniswa kupaswa mwai wakucemera dzina ya Yahova.—Arom. 10:13, 14.

<sup>4</sup> Toera kucalira kucita basa ibodzi ene mwakubwera-bwera mu pisa pinafunika kucitwa basa yakusaka, nsoka wa akulu a mpingo, makamaka muyang'aniri wa basa ya m'munda asafunika kucita masasanyiro na kuyang'anira basa yakusaka. (1 Akor. 9:26) Mu misoka inatsalakana cilongero cakunjia, m'bale wakuthema, pingakwanisika nkulua wa mpingo peno ntumiki wakutumikira wakusankhulwa na nsoka wa akulu a mpingo unatsalakana nsoka unoyu, anakwanisa kuimirira nsoka. Mipingo na misoka mizinji isacita masasanyiro toera kucita mwakukwana basa yakusaka, panango mu kuphatisira mabukhu peno Interneti toera kugumanyiza madzina a anthu a mu cilongero cinasaka

3. Ninji pinacitisa toera mpingo peno nsoka usankhule kuti ndi kipi kusafunika kucitwa basa yakusaka, na anaphatisira ndzidzi ungasi?

4. (a) Basa yakusaka isafunika kutsalakanwa tani?  
(b) Ndi njira zipi zingasi zakuti tinakwanisa kugumana anthu analonga cilongero ca mpingo wanu?

iwo. Buluka penepo, basa yakusaka isacitwa mu kuphatisira ntokodzi peno kucita ulendo toera kuenta kaonesesa kuti ndi mbuto ipi isafunika kuphantaniza mu tsamba ya cisa ca mpingo. Khala ndi kwakuthema kucita pyenepi, nsoka wa akulu a mpingo unatsalakana nsoka unoyu unakwanisa kucita masasanyiro toera m'midzidzi inango mpingo onsene ucite khundu m'basa yakusaka.—Onani bokosi "Munagumana Tani Anthu Analonga Cilongero Ca Mpingo Wanu."

<sup>5</sup> Tisafunika kuhala na cifuniro mu ndzidzi onse-ne unacita ife basa yakusaka. Nakuti basa ineyi isacita khundu ya utumiki wathu, tisafunika kubvala mwakuthema ninga amwazi mphangwa anacita khundu m'basa yakumwaza mphangwa. Azinji asaona kuti kuyesera maperekero awo aumboni na ku-

5. (a) Ndi api maonero mangasi kwa amwazi mphangwa anacita basa yakusaka? (b) Tisafunika kulonganji kwa anthu pakucita basa yakusaka?

## Phedzanani Unango Na Ndzace

Khala mpingo peno nsoka usafuna ciphedzo toera kugumana anthu analonga cilongero cawo akuti anakwanisa kuamwazira mphangwa, muyang'aniri wa basa ya m'munda anakwanisa kupa-ita n'cibverano na akulu a mpingo a mpingo ya cifupi ya pilongero pinango. Mphyadidi kupa-ita n'cibverano basi ene na mpingo yakuti nee iri kutali kakamwe peno yakuti iri na anthu azinji analonga cilongero ceneci. Buluka penepo, mpingo inaphembwa ciphedzo isafunika kudziwisa amwazi mphangwa kuti angagumana mun-thu analonga cilongero ceneci, asafunika kulemba mbuto inakhala iye na kuperaka mphangwa zenezi kuna muyang'aniri wa basa ya m'munda toera iye apereke mphangwa zenezi kuna mpingo udaphemba ciphedzo. Muyang'aniri wa basa ya m'munda wa mpingo unoyu anakwanisa kucita pyonsene toera kucita masasanyiro akuthema mu kutsalakana cisa ca pilongero pizinji na kutsogolera anthu anapangiza cifuno ku mpingo peno nsoka wa cilongero ca anthu anewa. Amwazi mphangwa angagumana mun-thu analonga cilongero cinango wakuti apangi-za cifuno kakamwe (peno munthu wakuti nkhabbe kubva), asafunika kulemba *mwakucimbiza* formularyo *Queira Visitar (S-43-T)* mbaiperek-a kuna mulembi wa mpingo wawo. Pyenepi pinadzaphedza munthu unoyu toera atambire ciphedzo cauzimu *mwakukhonda dembuka*.—Onani km 5/11 tsa. 3.

longa cilongero ceneci mu ndzidzi unacita iwo basa yakusaka pisaaphedza toera kuitiriza kukhala akugalamuka na kukulisa maluso awo a cilongero ceneci. Tinakwanisa kulengesa ndzidzi unaphatisira ife m'basu yakusaka, mbwenye nee tisafunika kulengesa ndzidzi unaphatisira ife toera kuhunganya matsamba a pisa na ndandanda wa madzina. Tingagumana munthu analonga cilongero cinasaka ife, tisafunika kuwangisira toera kum'mwazira mphangwa zadidi. Buluka penepo mwakukhonda dembuka tisafunika kudziwisa muyang'aniri wa basa ya m'munda peno munthu unango adasankhulwa na iye toera mphangwa zenezi ziphatanizwe mu tsamba ya cisa ca mpingo. Pyenepi mphyakufunika, mwakukhonda tsalakana khala munthu apangiza cifuno. Ngakhale kuti basa yakusaka ndi yakufunika, tisafunika kukhala akulinganira toera kucita makhundu onsene autumiki.—Onani bokosi "Tisafunika Kulonganji M'basa Yakusaka."

<sup>6</sup> **Kusaka Anthu Akuti Nkhabe Kubva:** Kunentsa kwa basa yakusaka anthu akuti nkhabe kubva ndi kwakusiyana, ponthero kusaphemba kuwangisira kakamwe na mwakhama. Munthu wakuti nkhabe kubva nee anadzindikirwa mu kulonga dzina yace, maonekero ace, peno mabvaliro ace. Mwakuthimizira, acibale peno axamwali a munthu wakuti nkhabe kubva panango anasaka kucinjiriza peno kuyinyirika toera kupereka mphangwa kwa amwazi mphangwa anasaka anthu anewa. Maonero anatowerera analonga pya kusaka anthu akuti nkhabe kubva anakwanisa kuphedza pakucita basa yakusaka anthu analonga cilongero cinango.

<sup>7</sup> Mpingo ya cilongero cakulonga na manja na misoka isapembera pakusaka anthu akuti nkhabe kubva m'mamidzi. Panango mwanaciro nyumba asaona nyakuendekana, ndzace wakubasa, peno wakuxikola mbakaphatisira cilongero cakulonga na manja. Panango asaona mu nseu pidzindikiro pinacenjeza anyakuendekana kuti pasagumanika anapiana akukhonda kubva. Panango iye ali na acibale akuti nkhabe kubva. Kumbukani kuti cifuniro canu cakusaka anthu akuti nkhabe kubva panango cinacitisa anthu kukhala akunyingwa. Mbwenye munakwanisa kucitisa mwanaciro nyumba kukhala wakusdzuka mu kupangiza uxamwali wandimomwene, kulonga mwacigwagwa, kukhala wakunyindirika na kufokotoza mu njira yakuthema. Anango asaphi—

6. Kunentsa kwa basa yakusaka anthu akuti nkhabe kubva ndi kwakusiyana tani?

7. (a) Ndi pintu pipi pisafunika ife kusaka kudziwa m'mamidzi toera kugumana anthu akuti nkhabe kubva? (b) Tinacitisa tani mwanaciro nyumba kukhala wakukhonda nyungwa?

ndula kakamwe mu kupangiza Bhibhlyia peno DVD inango ya cilongero cakulonga na manja mu ndzidzi unabvundzisa iwo mwanaciro nyumba khala asadziwa munthu wakuti nkhabe kubva. Buluka penepo iwo asalonga kuti asafuna kugawira cidikhoro ca m'Bhibhlyia kwa anthu akukhonda kubva. Khala mwanaciro nyumba asanyinyirika kupereka mphangwa, panango anakwanisa kutawira tsamba inalonga pya mbuto inakhala m'mwazi mphangwa peno ncemerero wa misonkhano ya mpingo kuti aupase acibale ace peno xamwali ace wakuti nkhabe kubva.

<sup>8</sup> Ntsiku ibodzi peno ziwiri pacaka, mpingo wa ci—

8. Kodi mpingo wacifupi unaphedza tani mpingo wa cilongero cakulonga na manja?

### **Munagumana Tani Ale Analonga Cilongero Ca Mpingo Wanu**

- Bvundzisani anthu anango—anyakupfundza Bhibhlyia, acibale anu, andzanu akubasa, na anthu anango.
- Phatisirani bukhu yakuti iri na ndandanda wa numero za mitokodzi toera kuona madzina a anthu analonga cilongero cinasaka imwe. Bukhu yakuti iri na madzina pabodzi na mbuto zinakhala anthu inakwaniswa kugumanika mu Interneti peno m'makompanyia anatsalakanaya pya mitokodzi.
- Mwandzeru, bvundzisani m'mbuto zinaperekha cipherdo kwa anthu onsene apacisa, ninga mabibliyoteka apacisa, maofesi a utongi, na maxikola makulu.
- Onani matsamba a mphangwa apacisa toera kuona pidziwiso pinalonga pya masasanayiro a mabasa anacitwa na misoka ya anthu a pilongero pyakunja.
- Ndokoni kaona misika peno mbuto zinango zamalonda zakuti zisagulisa pintu kwa anthu a pilongero pyakunja.
- Mungatawiriswa na ayang'aniri, ikhani mabukhu pa meza pa mbuto ya anyamatonda, mu internanto ya anyakupfundza mabukhu makulu, peno pa mbuto inadikhirwa miotokala yakuti anthu analonga cilongero cinango asaendako kazinji kene.
- Mungatawiriswa na utongi wa dziko yanu, gulanii bukhu inalonga pya mbuto zamalonda peno programu ya ntcini wandzeru yakuti inakwanisa kusaka mbuto zapakweca za mu Interneti.

longero cakulonga na manja unakwanisa kucemera mpingo wa cilongero cinango unagumanika pacisa cenei toera kuphedza basa yakusaka mu cisa cawo consene. Nsonkhano wa basa ya m'munda wakuti unadzatsogolerwa na mpingo wa cilongero cakulonga na manja usafunika kuphataniza pitsogole-ro pya maphatiro a basa ineyi na citsandzo cibodzi. Mu nsoka ubodzi na ubodzi munakwanisa kuphataniza m'mwazi mphangwa m'bodzi peno awiri a mpingo wa cilongero cakulonga na manja, mbapaswa matsamba anapangiza cisa cinafunika kucitwa basa yakusaka.

<sup>9</sup> Basa yakusaka inakwaniswambo kucitwa m'mbuto zinagumanyikana anthu akuti nkhabe kubva toera kucedza, kusendzeka peno toera kutambira ciphedzo cinaperekwa na anthu apacisa. Amwazi mphangwa asafunika kubvala mwakubverana na makhaliro ane-wa. Mphyadidi kucedza na munthu m'bodzi peno awiri anagumanika pa mbuto ineyi na kukhala waznderu mbuto mwa kulonga na nsoka onsen pabodzi pene. Khala kucedza kweneku ndi kwakuphindu-lisa, panango munakwanisa kucinja macedzero anu.

<sup>10</sup> Njira inango ndi kukhunganya matsamba ana-pangiza mbuto za malonda, buluka penepo mba-muenda kaona mbuto zenezi mu ndzidzi wakuthe-ma. Tsamba ibodzi isafunika kuphataniza mbuto zinaguliswa mafuta a motokala. Matsamba anango asafunika kuphataniza mbuto ya anyamalonda aku-fula nguwo, marestauranti, maoteli, na mbuto zi-nango zamalonda. Khala matsamba onsen ali na ntundu ubodzi ene wa malonda, amwazi mphangwa anakwanisa kuphatisira maperekero aumboni mabodzi ene, mbakulisa cidziwiso cawo na maluso awo. Mwacitsando, nakuti kazinji kene m'maote-li musafikira anthu akuti nkhabe kubva, tinakwanisa kufokotoza mwacigwagwa basa yathu kuna aku-lu a mbuto zenezi na kuapasa DVD, micemerero ya misonkhano ya mpingo toera apase alendo akuti nkhabe kubva. M'mbuto zinango zamalonda ti-nakwanisa kubvundzisa khala alipo anyabasa peno anyakugula malonda akuti asaphatisira cilongero cakulonga na manja. Khala pacisa pana xikola ya

9. Basa yakusaka inacitwa tani m'mbuto zinagumanyikana anthu akuti nkhabe kubva toera kucedza, kusendzeka, peno toera kutambira ciphedzo cakufuni-ka?

10. Amwazi mphangwa anacita tani basa yakusaka anthu akuti nkhabe kubva m'mbuto zamalonda za pacisa?

anthu akuti nkhabe kubva, tinakwanisa kugawira mavidyu athu mangasi toera kuaikha m'biliyoteka.

**11. Basa Yakufunika Kakamwe:** Kugumana ana-ciro nyumba analonga cilongero canu ndi basa ya-kuti isaphemba ndzidzi uzinji. Mwakuthimizira, na-kuti anthu asabwera anango asabuluka mu cisa, cilongero ca anthu apacisa cinakwanisa kucinja mwakucimbiza, pyenepi pisacitisa kuti kipitiriza ku-khala na mphangwa za kundendemera zinalonga pya cisa canu kukhale kwakunentsa. Ngakhale te-nepa, m'mbuto zizinji, basa yakusaka ndi khundu yakufunika kakamwe ya utumiki. Yahova, ule adati-pasa basa yakumwaza mphangwa nkhabe tsankhu. (Mach. 10:34) Cifuno cace ndi cakuti 'anthu onse-ne apulumuke, adziwembo mapfundzisiro a undimomwene.' (1 Tim. 2:3, 4) Natenepa, tendeni tip-hedze Yahova, tiphedzanembo unango na ndzace toera kugumana anthu a pilongero pyonsene akuti ndi a "ntima wakuchena"—Luka 8:15.

11. Thangwi yanji basa yakusaka ndi khundu yakufunika ya utumiki?

## Tisafunika Kulonganji M'basa Yakusaka

Kulonga mwa uxamwali, mwandimomwene, na mwakusudzuka kunadzacitisa mwanaciro nyumba kukhala wakuhonda nyingwa. Kazinji kene, mphyadidi kupangiza pakutoma mabukhu mu cilongero ca anthu anasaka imwe.

Mungamala kumwanyika, munakwanisa kulo-naga: "Tikusaka anthu analonga cilongero ca \_\_\_\_ toera kulonga nawo pya cidikhiro ca m'Bhibhlya. Alipo anadziwa imwe toera tilonge naye?"

Pakusaka anthu akuti nkhabe kubva, munakwanisa kulonga: "Muli tani. Ndisafuna ndikupangizeni cinthu. [Mu kuphatisira ntcini wa m'manja unaleri DVD, pangizani mphangwa za m'bruxura *Munakwanisa Kukhala Xamwali Wa Mulungu!*] Vidyu iyi yabuluswa m'bukhu yaku-buluswa m'Bhibhlya yakuti isagumanika mu Ci-longero Cakulonga na Manja ca m'Mosambiki. Tiri na mavidyu mazinji akuti acitwa toera kutsa-lakan pya uzimu wa anthu akuti nkhabe kubva. Mavidyu anewa nkhabe kulipwa. Alipo anadziwa imwe wakuti nkhabe kubva peno nkhabe kubva mwadidi, na anango akuti asaphatisira cilongero cakulonga na manja?" Khala mwanaciro nyumba nkhabe munthu anakumbukira iye, kazinji kene mphyadidi kulonga mbuto zakuti pa-nango iye anakwanisa kuona munthu wakuti nkhabe kubva ninga kubasa kwace, kuxikola, peno pacisa.

## SUMANA 6 YA MALIMWE

Nyimbo 60 na Phembero

### ❑ Pfundziro Ya Bhibhlyya Ya Mpingo:

bt-T nsolo 24 ¶16-21 (mph. 25)

### ❑ Xikola Ya Utumiki Wa Mulungu:

**Kuleri Bhibhlyya:** Ezekyele 24-27 (mph. 10)

**N. ° 1:** Ezekyele 24:15-27 (mph. 4 peno zakucepa)

**N. ° 2:** Pantsi Pa Makhaliro Api Mulungu Atawirisa Aisraele Kumenya Nkhondo?—rs-T tsa. 262 ¶5-tsa. 263 ¶1 (mph. 5)

**N. ° 3:** Ezekyele 18:20 Isaphonyana Na Pinalonga Eksodo 20:5? (mph. 5)

### ❑ Nsonkhano Wa Basa:

Nyimbo 88

**Mph. 5:** Pidziwiso.

**Mph. 10:** Muli Wakukhunganyika Ku Khundu Inafuna Kudza Ya Mapfundziro? Nkhani yakucedza. Phembani anyakubvesera toera kulonga pinengosi pingasi pinadzathimbana na aphale na atsikana Acikristu kuxikola. Fokotozani kuti anyakubala anaphatisira tani *Índice das Publicações da Torre de Vigia, mabukhu Os Jovens Perguntam*, na maferamentu anango a gulu yathu pa kulumbiria kwa banja toera kukhunganya anawo toera kupirira mayesero na kufokotoza pikhlulupiro pyawo. (1 Ped. 3:15) Sankhulanis nsolo ubodzi peno miwiri, na fokotozani mphangwa zakuphindulisa kakamwe zinagumanika m'mabukhu athu. Phembani anyakubvesera toera kulonga kuti awaniisa tani kuperaka umboni pa ndzidzi ukhahala ivo kuxikola.

**Mph. 10:** Pyakufuna pyapampingo.

**Mph. 10:** Maonero Toera Kugawira Marevista Mu Nthanda Ya Malimwe. Nkhani yakucedza. Phatisiran masegundu 30 mpaka 60 toera kulonga kuti thangwi yanji marevista anadzakhala akutundusa mu cisa canu. Buluka penepo, phatisiran misolo yakutoma ya revista *A Sentinela*, phembani anyakubvesera toera kuperaka maonero a mbvundzo wakutundusa toera kuucita, aphembeni toera alongembo lemba toera kuileri. Citanipibodzi pyene na misolo yakutoma ya revista *Despertal!*, khala ndzidzi ulipo, aphembeni kuti alonge nsolo unango wa mu *A Sentinela* peno *Despertal!*. Pangizani kuti revista ibodzi na ibodzi inagawirwa tani.

Nyimbo 97 na Phembero

## Pidziwiso

■ Mabukhu anafuna kugawirwa mu **Nthanda ya Malimwe na Malimwe:** Phatisiran ibodzi mwa mabrukura anatowerera a matsamba 32: *A Bíblia—Qual É a sua Mensagem?*, *Angafa Munthu Anafuna Imwe, As Orientações de Deus—O Caminho para o Paraíso* (yacitirwa Mamusulumano), *A Vida—Teve um Criador?*, *Bverani Mulungu, Bverani Mulungu toera Mukhale Kwenda na Kwenda, Kodi Mulungu Asatitsala-Kanadi?*, *Mizimu Ya Akufa—Ingakwanise Kukuphendzani Peno Kukucitani Pyakuipa?* *Kodi Iyo Iripodi?*, *Munakwanisa Kukhala Xamwali Wa Mulungu!*, *Njira Ya Ku Umaso Okhondo Mala—Kodi Imwe Mwaigumana Kale?*, *O Nome Divino Que Durará Para Sempre, Verdadeira Fé—O segredo de uma Vida Feliz* (yacitirwa Mamusulumano). Munacita imwe malendo akubwerezza, pangizani bukhu *Biblia Isapfunzisanji*,

peno mwakubverana na pyakufuna pya munthu munakwanisa kugawira mabrukura *Bverani Mulungu toera Mukhale Kwenda na Kwenda* peno *Bverani Mulungu*, pontho yeserani toera kutomesa pfundziro ya Bhibhlyya.

■ Khala alipo anthu akuti nkhabe longa peno nkhabe kubva mu cisa canu akuti ali na ntcini wakuleri DVD, munakwanisa kuphemba mavidyu a mabukhu akuthumburuzwa mu Cilongero Cakulonga na Manja ca m'Mosambiki: bruxura yakuti *Munakwanisa Kukhala Xamwali Wa Mulungu!* na katsamba *Kodi Musafuna Kudziwa Undinomwene?* Mavidyu anewa akuti acitwa na cifuniro cakuphedza anthu akuti nkhabe longa peno nkhabe kubva toera afendedzere cifupi Yahova, anakwaniswa kuphatirsira mu utumiki na kugawira anthu akuti nkhabe longa peno nkhabe kubva akuti asapangiza cifuno ca kupfundza pinthu pizinji thangwi ya Bhibhlyya.

## Njira Za Maperekero Aumboni

### Toera Kutomesa Mapfundziro a Bhibhlyya pa Sabudu Yakutoma mu Nthanda ya Malimwe

"Lero kazinji kene anthu asapangiza Yezu ninga mu khakhala iye mu pyaka pikwi piwiri pya ndulli, ninga khombwani peno ninga mamuna wakuti ali kumanikwa pa muti. Mphapo, musanyerezera kuti Yezu akucitanji lero? [Dikhirani ntawiro.] Onani pinalongwa apa." Pasani mwanaciro nyumba *A Sentinel* ya 1.º de Agosto, dingani pabodzi mphangwa zinagumanika pantsi pa nsolo ung'ono wakutoma pa tsamba 16, pontho lerini lemba ibodzi mwa malemba anagumanika mu ndima. Perekani marevista, pontho citani masasanyiro akubwerera toera kudinanga ntawiro wa mbvundzo unatowerera.

### de 1.º de Agosto

"Anthu azinji asakhulupira pirengo. Anango asapenuila. Musawatira kuti pirengo pisacitikadi? [Dikhirani ntawiro.] Pikiro iyi inalonga pya cirengó cinafuna critika ntsgolo isapasa cidikhiro anthu azinji. [Lerini lemba ibodzi mwa malemba anagumanika pa matsamba 9-10.] Revista iyi isatawira kupoanywa kutatu kunacitwa kazinji kene thangwi ya pirengo."

### Despertal® de Agosto

Mu ntsiku zino, anthu azinji asagopa kufamba okhene, makamaka dzuwa ingadoka. Musanyerezera kuti ciripo cisafunka kucitiva toera kupungula uphangá pa dziko yapantsi? [Dikhirani ntawiro.] Revista iyi isafokotoza pinthu pingasi pyakuti tonsene tinakwanisa kupicita toera kuhala mwantendere na anango. Isafokotazombo kuti profesiya iyi yakuwangisa inadzakwanirisika tani." Lerini Masalmo 72:7.

## Ntsongwa Zikulu za Basa ya M'Munda

Mu nthanda ya Madzalo ya 2012 takwanisa numero ipswa ya apainiya akupambulika na ya apainiya akupambulika a mu ndzidzi wakucepa, abale na alongo akukwana 128 akuti asatumikira mu ntundu unoyu wa basa yakupambulika ya ndzidzi onsen. Na ciphedzo ca basa yavo ya phinga, m'maluwanis mapswa a mu pigawiko pya Kabo Delgado, Nampula na Niassa muli kumwazwa mphangwa zadidi.